

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno:	07-05-2024		
Org. jed.	Kl. ozna.	Red. broj	Br. priloga
D.1	03	1129/24	

Broj: 02-03-1061/24-AP-2
Datum: 29.04.2024. godine

GRADSKO VIJEĆE ZAVIDOVIĆI
n/r PREDSJEDAVALJUĆI GRADSKOG VIJEĆA
Admir Fojnica, prof.

PREDMET: Informacija o stanju bezbjednosti lica i imovine na području Grada Zavidovići za 2023. godinu, dostavlja se

U prilogu akta dostavljam Vam Informaciju o stanju bezbjednosti lica i imovine na području Grada Zavidovići za 2023. godinu.

Informaciju o stanju bezbjednosti lica i imovine na području Grada Zavidovići za 2023. godinu dostavljam Gradskom vijeću Zavidovići radi uvrštavanja u dnevni red sjednice Gradskog vijeća.


S poštovanjem

Dostavljeno:

1. Naslovu,
2. U spis.

GRADONAČELNIK

doc. dr. Hašim Mujanović



074 PI 02-09-

Ali

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI



Služba za upravu privrede, lokalni
razvoj, infrastrukturu i međunarodnu
saradnju

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 25-04-2024			
Org. jed.	Kl. ozna.	Red. broj	Br. priloga
02	03	1069/24	

Broj:03-45-6-129/24
Datum: 24.04.2024. godine

GRADONAČELNIK
-ovdje-

PREDMET: Informacija o stanju bezbjednosti lica i imovine na području grada Zavidovići za 2023.godinu, dostavlja se

U skladu sa Programom rada Gradskog vijeća za 2024. godinu broj: 01-04-2237/23-AP-6 od 28.12.2023.godine u prilogu akta dostavljamo Vam Informaciju o stanju bezbjednosti lica i imovine na području grada Zavidovići za 2023.godinu, čije razmatranje je predviđeno za majsku sjednicu Gradskog vijeća.

S poštovanjem,

POMOĆNIK GRADONAČELNIKA
mr.sc. Džerardina Miličević



Obradio: Almir Mustafić

Almir Mustafić



Bosna i Hercegovina
Federacija Bosne i Hercegovine
ZENIČKO – DOBOJSKI KANTON
MINISTARSTVO UNUTRAŠNJIH POSLOVA
MINISTARSTVO UNUTARNJIH POSLOVA
ZENICA
UPRAVA POLICIJE
PU III
POLICIJSKA STANICA ZAVIDOVIĆI



Bosnia and Herzegovina
Federation of Bosnia and Herzegovina
ZENICA – DOBOJ CANTON
MINISTRY OF INTERNAL AFFAIRS
ZENICA
ADMINISTRATION OF POLICE
PA III
POLICE STATION ZAVIDOVIĆI

Broj:08-02-10/1-03-1-1698-1/24
Dana:23.04.2024. godine

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primijeno	23-04-2024		
Org. jed.	Kl. ozna.	Red. broj	Br. priloga
03			

GRAD ZAVIDOVIĆI
Služba za upravu privrede, lokalni razvoj,
infrastrukturu i međunarodnu saradnju


PREDMET: Informacija o stanju bezbjednosti lica i imovine na području Grada Zavidovići za 2023. godinu, dostavljamo;

VEZA: Vaš akt broj:03-45-6-104/24 od 03.04.2024. godine

U vezi sa Vašim aktom broj i datum gornji, dostavljamo Vam Informaciju o stanju bezbjednosti lica i imovine na području Grada Zavidovići za 2023. godinu.

S poštovanjem

PRILOG: kao u tekstu



KOMANDIR POLICIJSKE STANICE
Samostalni inspektor
Nermin Merdanović



Trg BiH br.1.Zenica, Tel. 032/449-249,
www.mupzdk.gov.ba
E-mail: mupzdk@mupzdk.gov.ba



Broj: 08-02-10/1-SL/24
Dana: 23.04.2024. godine

I N F O R M A C I J A

o stanju bezbjednosti lica i imovine na području Grada Zavidovići za 2023. godinu

UVOD I OCJENA STANJA

Osnov sačinjavanja Informacije o stanju bezbjednosti lica i imovine na području Grada Zavidovići za 2023. godinu su izvještaji o radu, statistički i analitički izvještaji i pokazatelji sačinjavani od strane Policijske stanice (PS) Zavidovići. Rad policijskih službenika i drugih zaposlenika PS se odvijao u skladu sa ovlaštenjima iz zakona i podzakonskih akata, a prvenstveno u skladu sa Zakonom o unutrašnjim poslovima ZDK, Zakonom o policijskim službenicima ZDK, Zakonom o Javnom redu i miru ZDK, Zakonom o osnovama bezbjednosti saobraćaja na putevima u BiH, Zakonom o prekršajima FBiH, Zakonom o krivičnom postupku FBiH i dr., kao i odgovarajućim podzakonskim propisima te standardima iz Etičkog kodeksa za policijske službenike. Policijska stanica i policijski službenici su se u vršenju svojih dužnosti prevashodno rukovodili općim interesom te su naročito služili i pomagali javnosti. Posebnu pažnju su posvetili zakonitom radu, adekvatnoj primjeni policijskih ovlaštenja i profesionalnom odnosu policije prema građanima uz poštivanje ljudskih prava i sloboda te važećih međunarodno prihvaćenih standarda o postupanju policije u demokratskim sistemima. Sve aktivnosti su preduzimane u skladu sa Akcionim planom o preduzimanju mjera i radnji za 2023. godinu.

Policijska stanica Zavidovići pokriva administrativno područje Grada Zavidovići koje je površine oko 520 kilometara kvadratnih. Prema podacima posljednjeg popisa stanovništva, trenutno na ovom području živi oko 38000 stanovnika. Grad Zavidovići teritorijalno graniči sa općinama Maglaj, Žepče, Zenica, Kakanj, Vareš, Olovo, Banovići i Lukavac te shodno tome i sa Tuzlanskim kantonom. Stanovništvo grada je mješovite nacionalne strukture (Bošnjaci, Hrvati, Srbi i ostali), sa određenim demografskim promjenama uzrokovanim ratnim i poslijeratnim dešavanjima, ekonomskim i drugim kretanjima.

Ekonomske i socijalne prilike dijela stanovništva su loše i neizvjesne, uzrokovane mnoštvom negativnih društvenih faktora i pojava. Veliki procenat radno sposobnog stanovništva je nezaposlen, sa tendencijom porasta ove kategorije stanovništva što direktno ili indirektno može biti uzrokom rizika za ukupno stanje bezbjednosti.

Informacija o stanju bezbjednosti lica i imovine na području Grada Zavidovići se temelji na statističkim pokazateljima po pojedinim oblastima bezbjednosti za 2023. godinu te sveukupnim aktivnostima PS Zavidovići, posebno kroz oblasti: javnog reda i mira (JRM), bezbjednosti saobraćaja i kriminaliteta.

Prema izvršenim analizama provođenja Akcionog Plana mjera i radnji Uprave policije MUP-a ZDK i Policijske stanice Zavidovići za 2023. godinu, prisutnim sigurnosnim izazovima, kriminogenim faktorima na našem području i šire, stanju i trendovima konkretnih oblika kriminaliteta i drugog prijestupništva, kao i posljedicama izvršenih nezakonitih radnji u oblasti bezbjednosti, ocjena je da je stanje bezbjednosti u 2023. godini na području Grada Zavidovići bilo zadovoljavajuće.

Kada je u pitanju javni red i mir tokom 2023. godine na području Grada Zavidovići evidentirano je 126 slučajeva narušavanja javnog reda i mira u kojima je počinjeno 145 prekršaja i u kojima je učestvovalo 147 lica, dok je u 2022. godine bilo evidentirano 117 slučajeva narušavanja javnog reda i mira u kojima je počinjeno 129 prekršaja i u kojima je učestvovalo 130 lica.

Broj saobraćajnih nezgoda u cestovnom saobraćaju je veći za 10 u odnosu na 2022. godinu. Ukupno se u 2023. godini dogodila 161 saobraćajna nezgoda, u odnosu na 151 iz 2022. godine. Prema težini posljedica, njih 100 je sa materijalnom štetom, 49 sa lakše povrijeđenim licima, 12 sa teže povrijeđenim licima dok nije bilo saobraćajnih nezgoda sa poginulim licima.

Kada je u pitanju stanje kriminaliteta, ukupno je izvršeno 196 krivičnih djela, što je više za 2 krivična djela odnosu na 2022. godinu, kada je bilo počinjeno 194 krivična djela.

U svrhu boljeg i potpunijeg razumijevanja navedenih pokazatelja i stanja bezbjednosti na području Grada Zavidovići neophodno je imati uvid u egzaktnije parametre po pojedinim segmentima bezbjednosti i oblastima policijskog djelovanja. Shodno tome dajemo pregled po oblastima:

JAVNI RED I MIR

Stanje javnog reda i mira na teritoriji Grada Zavidovići u 2023. godini je na zadovoljavajućem nivou. Evidentirano je 126 slučajeva narušavanja JRM-a što je više za 9 slučajeva u odnosu na prethodnu 2022. godinu. Ukupno je počinjeno 145 prekršaja i u kojima je učestvovalo ukupno 147 lica. Do povećanja broja prekršaja u odnosu na 2022. godinu, došlo je posebno iz razloga većeg broja sankcionisanja prekršaja počinjenih prosjačenjem dok je broj svih ostalih prekršaja JRM-a bio blago manji. Tokom 2023. godine zbog prosjačenja su sankcionisana 33 lica, dok je u 2022. godini bilo sankcionisano 23 lica.

Radi boljeg uvida dajemo tabelarni pregled počinjenih prekršaja JRM-a na području PS Zavidovići, po načinu izvršenja (tabela 1.) te po mjestu izvršenja prekršaja (tabela 2.).

Preglad prekršaja JRM-a po načinu izvršenja

Način izvršenja prekršaja	Broj
Prosjačenje	33
Tuča i fizički napad na drugo lice	32
Svađa, vika ili drsko ponašanje	24
Naročito drsko ponašanje	19
Omaložavanje ili nepostupanje po naredenju OSL-a	3
Na osnovu odluka Općinskog - Gradskog vijeća	16
Ostali prekršaji	18
Ukupno	145

Tabela 1.

Preglad prekršaja JRM-a po mjestu izvršenja

Mjesto činjena prekršaja	Broj
Ulice, trgovi, putevi i drugi otvoreni prostori	127
Ugostiteljski objekti	6
Trgovinske i zanatske radnje	3
Ostala mjesta	9
Ukupno	145

Tabela 2.

Većina prekršaja iz oblasti javnog reda i mira u 2023. godini na području PS Zavidovići je počinjena od strane lica koja se dovedu u alkoholizirano stanje, zbog neriješenih imovinsko-pravnih odnosa ali i zbog kompleksa ličnosti, uticaja sredine, loše kulture življenja i dr.

U toku 2023. godine nije bilo složenijih situacija remećenja javnog reda i mira niti remećenja istog u većem obimu. Uglavnom se radilo o pojedinačnim slučajevima narušavanja, koji su od strane policijskih službenika odgovarajuće stavljani pod kontrolu i procesuirani u skladu sa zakonom.

Zadovoljavajućem ukupnom stanju javnog reda i mira posebno doprinosi kontinuirano preventivno djelovanje policijskih službenika koji svakodnevno i planski usmjeravaju svoje aktivnosti na očuvanju stabilnosti u ovoj oblasti. U svim slučajevima kada je dolazilo do remećenja javnog reda i mira policijski službenici PS Zavidovići su uspješno uspostavljali narušeni javni red i mir te su slučajevi adekvatno procesuirani.

BEZBJEDNOST SAOBRAĆAJA

PS Zavidovići pokriva oko 380 km putne mreže sljedećih kategorija: magistralni, regionalni, lokalni, nekategorisani putevi kao i ulice u naselju. Putevima i ulicama saobraća veliki broj vozila i lica, kako lokalnog stanovništva tako i učesnika u tranzitnom saobraćaju. Kada je infrastruktura u pitanju može se konstatovati da su putni pravci uglavnom bili prohodni, osim povremenih obustava gdje su za saobraćanje postojali alternativni putni pravci. Povremeni i kratkotrajni zastoji događali su se uglavnom zbog rekonstrukcije putne mreže, zbog vremenskih nepogoda, nekih manifestacija i okupljanja te rjeđe zbog neodgovarajućeg angažovanja subjekata zaduženih za održavanje puteva.

Postoje mnogi faktori, kako objektivne tako i subjektivne prirode koji usložnjavaju problematiku u saobraćaju, a naročito: loša saobraćajna infrastruktura i tehničke karakteristike saobraćajnica, nedostatak trotoara i pješačkih staza, oštećenja kolovoza, nedostatak horizontalne i vertikalne saobraćajne signalizacije (oznake na kolovozu, saobraćajni znakovi i dr.), prisustvo udarnih rupa na pojedinim putnim pravcima i ulicama u gradu, loša preglednost pojedinih putnih pravaca usljed obraslosti putnog pojasa, nedostatak adekvatnog parking prostora na gradskom području, manjak saobraćajne kulture učesnika u saobraćaju, kako vozača tako i pješaka i dr. U vezi sa ovim problemima PS Zavidovići je pismenim putem redovno obavještavala nadležne službe i upravitelje cesta, ukazivala na stanje putne infrastrukture i saobraćajnica, te pozivala na otklanjanje negativnosti, dok je u stvarima iz vlastite nadležnosti preduzimala zakonom propisane mjere i radnje.

U toku 2023. godine policijski službenici PS Zavidovići ukupno su kontrolisali 18758 vozila i vozača, te je izvršen pregled 3736 vozila i 3908 lica u vozilima. Prilikom kontrole i regulisanja saobraćaja na putevima zbog učinjenih prekršaja napisano je 3879 prekršajnih naloga, 22 zahtjeva za pokretanje prekršajnog postupka, te je nedležnom Tužilaštvu zbog počinjenih "Krivičnih djela protiv sigurnosti javnog saobraćaja" dostavljeno 9 izvještaja.

Iz saobraćaja su isključena 193 vozača koji su upravljali vozilima pod dejstvom alkohola, 80 vozača je zatečeno da upravlja neregistrovanim vozilima te su takva vozila isključena iz saobraćaja, 56 vozača je isključeno iz saobraćaja zbog upravljanja vozilima prije sticanja prava na upravljanje, 10 vozača zbog upravljanja motornim vozilima u vrijeme trajanja zaštitne mjere zabrane upravljanja motornim vozilima, te je 13 vozila isključeno iz saobraćaja zbog tehničke neispravnosti.

Broj saobraćajnih nezgoda na području Grada Zavidovići u 2023. godini je veći za 10 u odnosu na 2022. godinu. U toku 2023. godine dogodilo se ukupno 161 saobraćajna nezgoda, razvrstane prema težini posljedica na:

- 100 saobraćajnih nezgoda sa materijalnom štetom,
 - 49 saobraćajnih nezgoda sa lakše povrijeđenim licima i
 - 12 saobraćajna nezgoda sa teže povrijeđenim licima,
- dok nije bilo saobraćajnih nezgoda sa smrtno stradalim licima.

Saobraćajne nezgode po kategoriji puta i posljedicama su prikazane u tabeli 3.

Pregled saobraćajnih nezgoda

Kategorija puta	Sa poginulim	Sa teškim povredama	Sa lakšim povredama	Sa materijalnom štetom	Ukupno
Magistralni put	0	7	15	36	58
Regionalni	0	2	9	18	29
Lokalni	0	0	11	21	32
Ulice	0	3	14	25	42
Ukupno:	0	12	49	100	161

Tabela 3.

U saobraćajnim nezgodama u 2023. godini nije bilo smrtno stradalih lica, 12 lica je teško tjelesno povrijeđeno te je 49 lica lakše povrijeđeno, dok je u 2022. godini bilo 1 smrtno stradalo lice, 21 teže povrijeđeno lice i 51 lakše povrijeđeno lice.

Analizirajući saobraćajne nezgode ističemo da je najčešći uzrok istih neprilagođena brzina kretanja uslovima i stanju puta, dok se kao uzroci pojavljuju i kršenja drugih saobraćajnih pravila od strane učesnika u saobraćaju kao što su: nepropisno preticanje, nepropisno držanje odstojanja, mimoilaženje, vožnja unazad i druge radnje u saobraćaju.

KRIMINALITET

Ocjenjujući stanje kriminaliteta na području koje pokriva PS Zavidovići, može se konstatovati da je ono u 2023. godini bilo na zadovoljavajućem nivou. Ovakva ocjena proizilazi iz statističkih pokazatelja u ovoj oblasti.

Stanje karakteriše povećanje ukupnog broja izvršenih krivičnih djela, te znatno bolji procenat rasvijetljenosti kao i otkrivenosti počinitelja izvršenih KD-a u odnosu na godinu dana ranije.

U toku 2023. godine na području PS Zavidovići evidentirano je ukupno 196 krivičnih djela. Od ukupnog broja izvršenih krivičnih djela 131 je po poznatom i 65 po nepoznatom (NN) izvršiocu.

Pregled u oblasti kriminaliteta na području koje pokriva PS Zavidovići za 2023. godinu u usporedbi sa 2022. godinom je prikazan u tabelarnom prikazu (tabela 4.).

Stanje kriminaliteta

Period	Broj KD	Po poznatom	Po NN	Rasvijetljeno po NN	Procenat rasvijetljenosti po NN	Ukupno rasvijetljeno	Procenat ukupne rasvijetljen.
2022. godina	194	115	79	46	58,22%	161	82,98%
2023. godina	196	131	65	50	78,80%	181	92,34%

Tabela 4.

Pregled registrovanih krivičnih djela u 2023. godini:

- KD "Teška krađa".....	48
- KD "Posjedovanje i omog. uživanje opojnih droga"	19
- KD "Ugrožavanje sigurnosti".....	18
- KD "Oštećenje tuđe stvari".....	18
- KD "Nasilje u porodici".....	18
- KD "Krađa"	15
- KD "Nasilničko ponašanje".....	11
- KD "Teška KD protiv sigurnosti javnog saobraćaja".....	5
- KD "Lahka tjelesna ozljeda".....	4
- KD "Razbojništvo".....	4
- KD "Ugrožavanje javnog prometa".....	3
- KD "Izazivanje opće opasnosti".....	2
- KD "Teška krađa u pokušaju".....	2
- KD "Teška tjelesna ozljeda".....	2
- KD "Bludne radnje".....	2
- KD "Prijevarena"	2
- KD "Paljevina".....	2
- KD "Prikriivanje".....	2
- KD "Zapuštavanje ili zlostavljanje djeteta".....	2
- KD "Narušavanje nepovredivosti doma".....	1
- KD "Iznuda".....	1
- KD "Lažno predstavljanje".....	1
- KD "Neovlašteno optičko snimanje".....	1
- KD "Samovlašće".....	1
- KD "Utaja".....	1
- KD "Izvanbračna zajednica sa mladim maloljetnikom"...	1
- KD "Krivotvorenje isprave".....	1
- KD "Nedozvoljeno držanje oružja i ekspl. materija" ..	1
- ostala KD.....	8

Što se tiče strukture krivičnih djela izvršenih u 2023. godini, najzastupljenija su KD-a protiv imovine i to: teške krađe (48) i krađe (15). Meta napada su uglavnom bile kuće, stanovi, vikend-kuće, šupe-ostave, prodavnice i privredni subjekti.

U odnosu na 2022. godinu, u 2023. godini smanjen je broj KD "Teška krivična djela protiv sigurnosti javnog saobraćaja" i KD "Paljevina". Nasuprot tome, neznetno je povećan broj KD protiv imovine i KD "Nasilje u porodici".

Povećanje broja procesuiranih prekršaja JRM-a i počinjenih krivičnih djela u 2023. godini može se pripisati i činjenici da su policijski službenici PS Zavidovići preduzimali niz planskih i pojačanih aktivnosti s ciljem otkrivanja i dokumentovanja počinjenih prekršaja i krivičnih djela kao i pronalasku i procesuiranju njihovih počinilaca. Stoga je povećan broj procesuiranih i rasvijetljenih krivičnih djela sa 161 u 2022. godini na 181 u 2023. godini.

OSTALE AKTIVNOSTI


Ostale aktivnosti policije bile su usmjerene na izvršavanje zakonom ustanovljenih nadležnosti, obaveza i ovlaštenja iz Zakona o unutrašnjim poslovima ZE-DO kantona, Zakona o policijskim službenicima i drugih zakona. Radilo se i na realizaciji planiranih aktivnosti po projektima "Rad policije u zajednici" (RPZ) i "Vodič većih javnih okupljanja".

Sastavni dio projekta "Rad policije u zajednici" je koncept "Sastanak sa građanima" gdje je u predmetnom periodu primljen veliki broj građana koji su tražili određenu pomoć i objašnjenja u konkretnim slučajevima. Preduzimane su aktivnosti u nizu drugih projekata, kao što su: koncept "Dani otvorenih vrata", "Policajac u školi" i dr.

U sklopu pružanja pomoći i asistencija policijski službenici ove PS su u toku 2023. godine pružili 77 planskih asistencija drugim organima (Federalnoj i Kantonalnoj upravi za inspeksijske poslove, gradskim, općinskim i drugim organima i službama), te veliki broj pomoći i intervencija u izvršavanju službenih zadataka od strane drugih ovlaštenih službenih lica. Pored toga sačinjen je veliki broj informacija radi iniciranja federalnih, kantonalnih, općinskih i drugih organa vezano za uočene nedostatke na terenu radi preduzimanja mjera iz njihove nadležnosti. Između ostalog, odnosile su se na rad na crno, produžen rad ugostiteljskih objekata, provođenje općinskih - gradskih odluka, neprijavljene djelatnosti, stanje puteva i saobraćajne signalizacije, komunalne infrastrukture, pronađenih neeksploziranih ubojnih sredstava (NUS-a), pojave pasa lualica i drugih negativnosti.

U sklopu projekta "Jačanje sposobnosti lokalne policije u pogledu sigurnosti povratnika" policijski službenici ove PS su u toku 2023. godine vršili stalne obilaskе i kontakte sa povratničkom populacijom i njihovim predstavnicima gdje je ostvarena dobra saradnja po svim osnovama.

S ciljem da stanje bezbjednosti na području Grada Zavidovići bude na još boljem nivou ostvarena je saradnja i razmjena informacija i sa drugim relevantnim subjektima što treba i dalje nastaviti i stalno promovisati.



KOMANDIR POLICIJSKE STANICE
Samostalni inspektor
Nermin Merdanović

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
GRADSKO VIJEĆE



**Komisija za društvene djelatnosti,
ljudska prava, mlade i
ravnopravnost spolova**
Broj: 01-03-1129/24-AP-2
Datum: 21.05.2024. godine

Na osnovu člana 13., 17. i 18. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022), člana 33. i 47. Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/22 i 1/23), Komisija za društvene djelatnosti, ljudska prava, mlade i ravnopravnost spolova na 23. sjednici održanoj dana 21.05.2024. godine, razmatrala je Informacija o stanju bezbjednosti lica i imovine na području Grada Zavidovići za 2023. godinu, pa nakon rasprave donijela

ZAKLJUČAK

1. Komisija za društvene djelatnosti, ljudska prava, mlade i ravnopravnost spolova prihvata Informacija o stanju bezbjednosti lica i imovine na području Grada Zavidovići za 2023. godinu.
2. Informacija o stanju bezbjednosti lica i imovine na području Grada Zavidovići za 2023. godinu, dostavlja se predsjedavajućem radi uvrštavanja u dnevni red sjednice Gradskog vijeća.
3. O realizaciji ovog Zaključka starat će se Stručna služba Gradskog vijeća.

